

Z A P I S N I K

sa VII sjednice Vijeća Građevinskog fakulteta Univerziteta u Sarajevu, održane dana 17.06.2019. godine, sa početkom u 12.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici:

Dolarević dr. Samir, Hrasnica dr. Mustafa, Mešić dr. Esad, Skejić dr. Adis, Kurtović dr. Azra, Simonović dr. Goran, Ilić-Georgijević dr. Emil, Imamović dr. Ismar, Ljevo dr. Žanesa, Milašinović dr. Zoran, Topoljak dr. Jusuf, Vrce dr. Esad, Serdarević dr. Amra, Džebo dr. Suada, Tuno dr. Nedim, Pozder dr. Mirza, Mulahusić dr. Admir, Ademović dr. Naida, Milišić dr. Hata, Balić dr. Anis, Albinović dr. Sanjin, Medić dr. Senad, Mulić dr. Medžida, Omićević dr. Džanina,

Saradnici:

Šarić Ammar (S), Nedim Kulo (G), Suljević Samir (K), Damir Hasanspahić (Mat.), Krdžalić Dževad (G), Mladen Kapor (Kat.za geol.)

Studenti: Damir Tahirović

ODSUTNI ČLANOVI:

Nastavnici i saradnici: Ibrahimbegović dr. Adnan, Hadžić dr. Emina, Čerimagić dr. Đenari, Jusić dr. Suvada, Medić Jelena (K), Lazović Nerma (H),

Studenti: Nizama Drljačić i Izet Nanić,

Na prijedlog dekana usvojen je sljedeći:

D N E V N I R E D:

- I Usvajanje Zapisnika sa VI sjednice Vijeća Građevinskog fakulteta, održane 29.05.2019. godine;
- II Imenovanje Centralne komisije za provođenje postupka prijema kandidata u prvu godinu prvog i drugog ciklusa studija;
- III Imenovanju Komisije za pregled prijava i bodovanje kandidata za upis u prvu godinu prvog i drugog ciklusa studija;
- IV Imenovanje člana/ovlaštenog lica za prisustvovanje sjednicama vijeća grupacije nauka i Senata Univerziteta u Sarajevu;
- V Prijedlog za imenovanje predstavnika viših asistenata u Vijeću Građevinskog fakulteta;
- VI Izvještaji Komisije za ocjenu i odbranu završnih radova studenata na drugom ciklusu studija;
- VII Razno.

Ad/I

Prof.dr. Azra Kurtović je navela da misli da bi u Zapisnik sa VI sjednice Vijeća Građevinskog fakulteta, održane 29.05.2019. godine trebalo unijeti kod tačke II i tačke III koji su bili rezultati provjere korištenjem softvera za detekciju plagijarizma radnih verzija projekata doktorskih disertacija pod nazivima: "Upotreba Stohastičke Galjerkinove metode konačnih elemenata u problemima identifikacije parametara modela loma heterogenih

materijala", kandidata Emira Karavelića, dipl.ing.građ. i "Analiza uticaja pornog pritiska na mehanizme loma konstruktivnih sistema", kandidatkinje Emine Hadžalić, dipl.inž.građ.

Sekretar navodi da je već ranije obavijestila prof.dr. Azru Kurtović da je komisija čiji je prof.dr. Azra Kurtović član potpisala odgovarajući obrazac (D3) u vidu izvještaja – odgovora na dostavljeni rezultat provjere korištenjem softvera za detekciju plagijarizma sa naznačenim procentom utvrđene sličnosti i isti dostavili nadležnoj službi Univerziteta u Sarajevu.

Navedene radne verzije doktorskih disertacija su trenutno stavljene na uvidu javnosti i nakon toga će zajedno sa eventualnim primjedbama javnosti, izvještajima komisija za ocjenu radnih verzija doktorskih disertacija, rezultatima provjere za detekciju plagijarizma sa naznačenim procentom utvrđene sličnosti, te izvještajem komisije (D3 obrascem) biti razmatrane na sjednici Vijeća.

Drugi primjedbi nije bilo, te je isti jednoglasno usvojen.

Ad/II

Vijeće je donijelo odluku o imenovanju Centralne komisije za provođenje postupka prijema kandidata u prvu godinu prvog i drugog ciklusa studija građevinarstva i studija geodezije i geoinformatike u akademskoj 2019/2020. godini.

U Centralnu komisiju za provođenje postupka prijema kandidata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u akademskoj 2019/2020. godini, imenuju se:

1. Prof. dr. Emil Ilić – Georgijević, predsjedavajući Komisije
2. Doc.dr. Goran Simonović, član
3. Prof. dr. Amra Serdarević, član
4. Prof. dr. Admir Mulahusić, član
5. Doc.dr. Sanjin Albinović, član

Zadaci Centralne komisije su utvrđeni Zakonom o visokom obrazovanju Kantona Sarajevo i Statutom Univerziteta u Sarajevu.

Ad/III

Vijeće je donijelo odluku o imenovanju Komisije za pregled prijava i bodovanje kandidata za upis u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u akademskoj 2019/2020. godini.

U Komisiju za pregled prijava i bodovanje kandidata za upis u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u akademskoj 2019/2020. godini, imenuju se:

1. Doc.dr. Hata Milišić, predsjedavajuća
2. Doc.dr. Džanina Omičević, član
3. Asistent Nedim Kulo, član
4. Viši asistent Ammar Šarić, član
5. Viši asistent Alma Džubur, član
6. Viši asistent Damir Hasanspahić, član
7. Viši asistent Emir Karavelić, član
8. Pilić Amar, član,
9. Kvoco Mersiha, član

Zadaci Komisije za pregled prijava i bodovanje kandidata za upis u prvu godinu prvog i drugog ciklusa studija su utvrđeni Zakonom o visokom obrazovanju Kantona Sarajevo i Statutom Univerziteta u Sarajevu.

Ad/IV

U skladu sa dopisom rektora Univerziteta u Sarajevu br. 0101-5144/19 od 29.05.2019. godine Vijeće je donijelo odluku da je član Senata Univerziteta u Sarajevu i član Vijeća grupacije tehničkih nauka u ime Građevinskog fakulteta dekan prof.dr. Samir Dolarević, dipl.ing.građ., kako je i predviđeno odredbama Statuta Univerziteta u Sarajevu.

U slučaju odsustva dekana, prof.dr.Samira Dolarevića, dipl.ing.građ., za predstavnika Građevinskog fakulteta, koji će prisustvovati sjednicama Vijeća grupacije tehničkih nauka i sjednicama Senata Univerziteta u Sarajevu, imenuje se prof.dr. Mirza Pozder, dipl.ing.građ., prodekan za nastavnonaučni rad Građevinskog fakulteta Univerziteta u Sarajevu.

Ad/V

Na prijedlog Odsjeka za hidrotehniku i okolišno inženjerstvo Vijeće je donijelo odluku da se za predstavnika iz reda viših asistenata pri Vijeću Građevinskog fakulteta bira viši asistent Alma Džubur, dipl.ing.građ.

Ad/VI

Usvojeni su izvještaji komisija za ocjenu i odbranu završnih radova na drugom (II) ciklusu studija za:

- studenta Odsjeka za hidrotehniku i okolišno inženjerstvo Amira Dizdara;
- studenta Odsjeka za saobraćajnice Almira Lepirice;
- studenta Odsjeka za saobraćajnice Ahmeda Kadića;
- studenticu Odsjeka za saobraćajnice Nadine Hurić;
- studenta Odsjeka za geodeziju i geoinformatiku Adnana Talića;
- studenticu Odsjeka za geodeziju i geoinformatiku Antonelu Laštro;
- studenta Odsjeka za geodeziju i geoinformatiku Adnana Čohadžića;
- studenta Odsjeka za geodeziju i geoinformatiku Seat-Yakup Kurtovića;

Ad/VII

Odbor za osiguranje kvaliteta je dostavio Analizu broja popunjenih anketnih upitnika evaluacije rada nastavnika i saradnika za ljetnji semester akademske 2018./2019. godine. U istom je navedena procentualna vrijednost max. i min. broja popunjenih anketnih listića po godinama studija i usmjerenjima.

S obzirom na mali procenat popunjenih anketnih listića, Odbor za osiguranje kvaliteta je tražio stav Vijeća da li vršiti analizu istih.

Član Vijeća iz reda studenata je istakao da je apelovao na studente da učestvuju u anketi, ali da je odgovor studenata uglavnom bio da nemaju rezultate od prošle ankete.

Prodekan navodi da su sumarni izvještaji od prošle ankete objavljeni na web stranici fakulteta, a da pojedinačne izvještaje imaju dekan, prodekan i šefovi odsjeka i katedri.

Dekan ističe da razumije da studenti nisu smatrali da trebaju učestvovati u ovoj anketi, ukoliko nisu upoznati sa aktivnostima po osnovu rezultata prošle evaluacije, ali da su odsjeci i katedre razmatrali izvještaje od prošle ankete na svojim sastancima, s ciljem utvrđivanja mjera za otklanjanje uočenih nedostataka. Navodi da analizu provedene ankete treba provesti, jer je zakonom predviđena obaveza fakulteta. Ističe da u principu ovo i jeste najbolji način da se procijeni i provjeri kvalitet rada nastavnika i saradnika, ali ima smisla samo ukoliko se uradi kako treba.

Sjednica završena u 12.45 sati.

Zapisnik vodila:

Sabina Bajrić, dipl. pravnik

Sabina Bajrić

Prof. dr. Samir Dolarević, dipl. ing. građ.



Br. 02-1-977-1/19.
17. 06. 2019.